

INUIT ATAQATIGIIT INATSISARTUNI



UPA2023/130
4. maj 2023
Harald Bianco

Naalakkersuisut innuttaasut nunaqarfinni isorliunerusunilu najugaqartut nammineer-lutik illuliornissamut taarsigassarsinnaanissaminnut periarfissaat pitsanngorsarumlugu kiisalu nammineerlutik illuliornissamut taarsigassarsinissamut periarfissaannik ammaasseqqinniarlugit suliaqarnissaannut peqquneqarnissaannik siunnersuut.

(Inatsisartuni ilaasortaq Jens NapätôK´)

Oqaaseqaat:

Siullermik siunnersuuteqartoq Inatsisartuni Ilaasortaq Jens NapätôK´ Naleraq, Inuit Ataqatigiinniit qutsavigaarput, Naalakkersuisut peqquneqarnissaannik siunnersuutaanut. Taamatullu Naalakkersusiut akissuteqaataannut qujavugut.

Siunnersuuteqartoq Inuit Ataqatigiinniit isumaqatigaarput, ingammik isorliunerusuni inissaaleqineq annertummat. Taamatullu illut inissiallu najugarineqartut amerlasuut aserfallallutik najugarissallugit ullutsinni naleqqukkunnaartut pillugit siunnersuuteqartup oqariartornera Inuit Ataqatigiinniit ilisimaaraarput.

Oqaatigineqassaaq, Aaqqissuusseqqinnermik isumalioqatigiissitap kaammattuutaanik malitseqartitsinnermut ineqarnermut immikkoortumi inatsisit arlallit allanngortinneqarmata. Allanguinermi Namminersorlutik Oqartussanit ilaatigut Nunaqarfinni isorliunerusunillu inissianut pilerisaarutip nuunnera. Tassani ilaatigut illulioqateqarluni illuliortarneq ilaalluni. Taakkunungalu qitiusumiit aningaasaliisarneq unigani ingerlaavarluni.

Nuussinerup kingornagut kommunit pisussaaffilerneqarnikuupput, qitiusumiit aningaasaliissutit qanoq atorineqartarnersut qitiusumut nalunaarusiortarnissaannik. Malunnarpoq kommunit tamanna pikkoriffigivallaarsimanngikkaat. Kiisalu kommunit akisussaaffimmik tigusinermi kingornagu, periarfissap innuttaasunut paasissutiginnissaa aamma pikkoriffiginaqarpallaarsimanngitsoq. Allaami siorna tikillugu sinerissami illuliorniartut ilanngui, qitiusumiit ikiorneqartariaqartarsimapput, periarfissat kommunimiinnera nalugamikku, kommunimullu saaffiginninneq iluaqutaavallaartarsimanani.

INUIT ATAQATIGIIT INATSIARTUNI



Periarfissanik allannguisarnerni sungiussiniartarneq sivisusinnaasartog takornartaanngilaq, aamma uani taamatut isikkoqarpoq. Siorna augustimi §37 aqqutigalugu apeqquteqaatip (pineqartumut tunngasup) Naalakkersuisut akissutaanni takuneqarsinnaavoq Naalakkersuisut pineqartog eqqummaariffigigaat. Aamma Aningaasanut Inatsimmi 2022 aningaasaliissutit oqaasertaani ilaatigut kommunit illuliassanut aningaasaliissutit iluanni qinnuteqarsinnaaneq. Taamatullu kommunit uppersarsinnaappassuk illuliortoqartoq, taava allaat kommunit qaavatigut aningaasaliissutissanik qinnuteqarsinnaasoq Naalakkersuisut piareersimaffigigaat takuneqarsinnaalluni.

Siuliani eqqaasattuut periarfissat tamakku kommuninut nuussinerup kingornatigut atorluarneqanngitsut paasinarpoq, ilaatigut kommunit akisussaaffimmik tiguserup kingornagut innuttaasunut paasissutissiinerat annikimmat, ilaatigulluunniit paasissutissiisarsimanatik. Taamaattumik Naalakkersuisut paasissutissanik kommunit utertitsisarnissaat kaammattuutigalugulu kissaatigigaat takuneqarsinnaavoq.

Oqaatigaarattaq, Naalakkersuiut aammalumi Partiit tamarmik tamanna eqqummaariffigigaat. Aningaasanut Inatsimmi 2023-moortumik Partiit tamarmik isumaqatigiissutaanni atsioqataaffigisaannilu tamanna ukkanneqartoq takuneqarsinnaavoq. Oqaasertaliussamik atuarneqarsinnaavoq, aningaasalersuineramik aaqqissuussinerit nalilersorneqartut, ingammik sanaqateqarnermi inatsimiittut.

Ilaatigut pineqartunut nalimmassaernerit, pineqartunullu atugassaqaarnikkut atuinissallu pitsaanerpaanissaat qulakkeerniarlugu qulaajaavigineqarlutik. Nalilersuinermi qulaajaanissami ilaatigut Nammineq akiliut assigiiartumik akiliutinngorlugu allanngortitsinissaq. (Tassani pineqarluni siornatigut atorneqartoq 95/5.)

Aningaasanut inatsimmi 2023 isumaqatigiissuteqartut, siuliani taasattuut partiit tamarmik naatsorsuutigaa, 2023-p ingerlanerani inatsimmik allannguisinnaanermik siunnersuutaasinnaasut inaarsarnissaat. Tassani aamma siunertaavoq, realkredit aqqutigalugu periarfissaqanngitsut illuliornissamut periarfissaqaleqqullugit.

Qulaani nassuiaatit oqaatigisama takutippaat, maanna partiit ilaatigut tamarmik peqataaffigisaannik, oqarsinnaagaani pinasuartussamik suliateqartoqartoq takuneqarsinnaavoq.

INUIT ATAQATIGIIT INATSIARTUNI



Suliniutit naammassigalutuartutut isikkoqaraluartut siunnersuutigineqartoq Inuit Ataqtigiinniit akuersaarparput. Ataatsimiititaliamullu susassaqtumut ingerlateqqillugu.

Qujanaq.